

la suite No 1

no. 7

REQVESTE

AV PARLEMENT,


SVR

L'ATTENTAT COMMIS

en la personne du Roy.

LA NUIT DES ROYS.

Faite par LOVYS CADET.



A PARIS,

De l'Imprimerie d'ALEXANDRE LESSELIN,
rue vieille Bouclerie.

M. DC. XLIX.

AVEC PERMISSION.

REOUESTE

duplicate

to

#1

AV PARLEMENT.


SVR

L'ATTENTAT COMMIS

en la personne du Roy.

LA UNITE DES ROYS

Par le Roy & le Duc de Bourgogne.



A PARIS,
De l'imprimerie d'ANDRÉ BRESSIN,
rue de la Harpe, au Palais National.

M. DC. XLIX.

AVEC PERMISSION.



REQUESTE AU PARLEMENT

sur l'Attentat commis en la Personne du Roy.

Pluot sur qui tourne la France,
 Auguste & sacré Parlement;
 Qui ne luy donne mouuement,
 Que par le poids de la balance;
 Qui par vn sentiment esgal,
 Ensemble propice & fatal,
 Pour l'innocent ou le coupable,
 De l'un es puissant protecteur,
 De l'autre en son sort miserable,
 Iuste & mortel persecuteur.

Oppose au coup qui nous menace,
 Le saint Bouclier de la Loy;
 Immoie à l'interest du Roy;
 Celuy qui veut prendre sa place:
 Que si par force ou par douceur;
 On tasche d'abbaisser ton cœur,
 Iusque au mespris de la justice,
 Sois tousiours à toy mesme esgal,
 Et pour l'effet de son suplice,
 Consulte ton seul tribunal.

Tu sçays le nombre de ses crimes,

Mais las! que dis-je, tu le sçays;

Oüy, car tes membres offensez,

En sont les plus noires victimes:

Quand dans vne affreuse prison,

Ton sang detrempoit le poison;

Pour en escrire sur la porte;

On punit cet Audacieux

Pour faire entendre à sa cohorte;

Qu'on ne luy fera pis ny mieux.



Dans vne si triste memoire,

Je suis vn autre Barillon:

Je ressens l'effet du Boucon,

Au souuenir de son histoire:

Mais vn iuste & ardent dessein,

De voir punir son Assassins:

Estouffe ma mortelle enuie,

Et le secours de cet effort:

Me fait encor aimer la vie:

Pour la vengeance de sa mort.

Pour

5
Pour te faire cette harangue,
En faueur de cét innocent,
Et arrester le mal pressant,
Par le mouuement de ma langue:
Pour rapporter en ton parquet,
Les mets de ce mortel banquet:
Qu'a préparé la tyrannie,
A cet innocent malheureux:
A cause que sa compagnie,
S'estoit opposée à ses vœux.



On eust renouvelé la feste,
Quand en mesmes occasions:
T'opposant aux concussions,
Brousselle éuita la tempeste:
Si le Parisien mutiné,
Contre cét homme forcené:
N'eust pas fait suspendre le foudre,
Que la rage tenoit en main:
Et qu'il contraignit de resoudre,
De le quitter le lendemain.

Cette contrainte violente,
 Sauua cét illustre captif:
 Paris entra dans son esquif,
 Quand elle apperceut la tourmente:
 Ne voyant dans son triste sort,
 Autre moyen d'aller au port:
 Que sur le debris du naufrage:
 Dans vn genereux desespoir,
 Mais vn espoir à son courage:
 Elle tasche de le reuoir.



Quoy que penchante à sa ruine,
 Elle s'enfle d'un noble orgueil:
 Et sur le bord de son cercueil,
 Resiste au bras qui l'assassine:
 Si bien que son fier ennemy,
 Ne s'en croit vainqueur qu'à demy:
 Et pour s'asseurer la victoire:
 Demande secours à l'Enfer:
 Mais Dieu guarand de nostre gloire
 Nous en fait soudain triompher.

Enfin nous recouurons Brouffelle :
 Mais ô trop chere liberté !
 Helas ! combien nous a cousté,
 La defence de sa querelle :
 Nostre ennemy plein de fureur,
 Dans vne coupable douleur,
 Inuente vn moyen qui l'allege :
 Son remede est vn attentat,
 Qui fait vn double sacrilege
 Et à l'Eglise & à l'Estat.



L'une se treuve profanée,
 Dedans la cause du forfait :
 Et l'autre en regardant l'objet,
 Voit vne teste couronnée :
 Le puis-je dire vn Cardinal,
 Dont le Conclaue est l'Arsenal,
 Les decrets les ordres de guerre :
 Les ausmoniers sont les soldats :
 Et la..... mais j'ay peur du tonnerre,
 Le diray-je ; ie n'ose pas.

: l'Après que sa pourpre destainte,
 Dans ses noirs effets de fureur:
 A pour reprendre sa couleur,
 Presque toute la France espreinte,
 De nos Villes fait des Estangs,
 De rouges canaux de nos flancs:
 Pour consommer sa barbarie,
 Il fait le Roy son prisonnier:
 Ciel ! sauue-le de sa furie,
 Qu'il n'en soit pas le meurtrier.



Toy, qu'il commet pour sa defence,
 Et qu'il éleut pour son tuteur:
 Parlement sois son protecteur
 Contre l'effort de l'insolence:
 Que son cercueil soit ton soustien,
 L'Espagnol & l'Italien,
 En offriront les recompences,
 Du premier nous aurons la paix,
 Et de l'autre autant d'indulgences,
 Que ce méchant fit de forfaits.